

skargidra na sirigu

parvavali ka biciciringa ku sububurudra ku tévlekemwa, psalikainga
kdridrimisu ketormana ka nuriguma musu.
sububuruliswa ka lesama mragi, mirimuranga musu.
avalvalkelila, amani ku kilivakadranga na vlaki.
maminema ka ububurukwa musobaka ngulringava ku bikéli, adra
ikirimuru, singyérava ku sububuliswa ka nukémaswa na skodipi mdraruru.
sirigu ka silpa si lacngle, adra ingirimuru si ptapdrenge bikéli.
adra isvagé bongu na sirigu, nolekebemaswa kini. kilivkania
nukémaswa lokelakebe kini.
solira na sirigu amani matikadringé na depe, sarké ku ikésua mra cngli
pingcigi.
mdalime na sirigu sékonema musu. kilivke na sirigu pikilvumaswa.
sirigu ka amani ku nusititingasa su pikilivu swa.
parvavale biciringa spasobékéli, singyero musu bikéli nukodripima
musu.
sirigu ka ububurungaswa tumiadriamiya, amani ku numicimaswa
panké margi técavnasu na dadirani.

ina rigusu ngutuluru singyaro, dovdavcesu ka nuborvya musu.
mra piké kdridrimisu, adra ikirimuru kiburuburwanesu, ikini
kiburuburwanesu ka sukodipisu.
makurathe na ico ku daderanedra ka adra yunkaidria tumadra ku
makurathe técavnadra ka, adra isingyaro.
gia sevagé kilpingi na makurathe. adra ikesapara, ngimania dovdavce
ku dadiranesu, adra kusingéroya na makurathi.
makurathi na ico idepe na takakuratha ka isyerke, ina ipitikurathe na
ico ka isyené syerke.
kenedra kidri na makurathi, bivédra kidri na molulucu.
margi na ico ku dadiranidra ka tumé na myeri losudra na avé,
mubwelidra ka ululwepe dorpassi mwa na ululwepedranga.
makurathi na ico ku daderanidra ka tumé na masungu icngli, kumidra
kidri éboreva ka iriguya.

114 年全國語文競賽臺灣原住民族語言朗讀文章 【茂林魯凱語】 高中學生組 編號 1 號

(文章大意 僅供參考) ※字數限 200 字

智慧的益處

勸導人要聽從父親的教誨要記住父親的話。尋求智慧和見識、不可忘記或忽略。